

WER AN
SEINER
WORTEN
SICH
GOT
ST
DIE
ER
HOT

















Ce 154.

C. 31.

~~574~~

ce 454

Mis i Buchant. (m. Kimpfersch.)

20. X. 93.

4°

K. - Z.

Z.



6c 45.4

55443



*N. Dies ist die erste, Hauptliche
Anfangs Ordnung.*

**Artickel der Ceremo
nien vnd anderer
Kirchen Ord
nung.**

von d. 1525.



in
 d.
 vi
 tes
 ulli
 ai
 abli
 le-
 zone
 teg
 des
 a no
 wo i
 ktu
 mis
 vber
 nu
 q p
 and
 p
 G
 e gli
 Pon
 ntes
 gwi
 ot i
 oku
 hnm
 itz p
 gar
 acut

ONTOARIO ARCHIVES
TORONTO ONTARIO
M5S 1A5



Pol 6.11.1054 adl 1



n. 844914

In Gots gnaden wir **Ge**
org Czu Samland/ vnd Erhardt zu Pomes
san/ Bischoffe 1c. Embieten allen vnd yeglichen
vnnserer Bischthumben Christlichen gemeys
nen odder Kirchspilen/ vnd dynern derselbigen/ gnade vnn
d fride ynn Christo vnnserm herrn vnnnd ertzhirteen.

Lieben brüder/ dieweyl vns Ampes halben gebürt mit sorg
gen zu wachen vnnnd auffzusehen / auff das geystliche regis
ment/ vnd gutte ordnüg der Kirchen/ Welchs aber darynne
stehet/ das Gots wort rechtschaffen vnnnd zur besserung ge
prediget / vnnnd darauff andere eüsserliche Kirchen ordnung
formlich gefurt vñ gehalten werden. So verhoffen wir/ yhr
sollet alle neben vns den fleys haben/ damit fur allen dingen
das theerr wort Gottis/ vns zu diesen czeyten gnediglichent
vnd reychlichen von Gote vorliben/ seynen gang habe vnd
fruchte bringe. Aber dieselbigen eüsserlichen kirchen Ordnung/
darynne denn durch geyß/ gleyßnerey vnnnd blindheit/ vil ver
kerter weyße eyn czeylang eyngefurt seyn / nach dem wortte
Gottes ynn besserung zu stellen / Haben wir von ewern wes
gen/ vnnnd euch allen zu gut/ auff vns nemen müssen/ vnnnd
hierynne mit rathe vnserer mitbrüdere/ der prediger zu Kö
nigßbergk/ vnnnd bewegung aller vmbstende/ nach volgende
Ordnung begriffen / dieselben dem Durchleuchten Hochge
bornen Fürsten vnd herrn/ herrn Albrechten/ Marggraffen
zu Brandenburgk/ ynn Preußen/ zu Steeyn/ Pomern/ der
Cassuben vnnnd Wenden hertzog/ Burggraffen zu Thürm
berg/ vñ Fürsten zu Rügen/ vnserm gnedigsten herrn sampt
dem verordenten anßichus des ganzen fürstenthumbs/ auff
dem Landtag zu Königßberg ym December des fünffzehen
hundersten vñ vñ fünffvndzwenzigsten yares gehalten / fur
getragen. Wie dann auch alsdann solche vnnser Ordnung
eynheliglich / fur gut angesehen/ bewilligt vnnnd angenömen
ist. Nicht das hiemit sovil vnser ordnüg belanget der christ
lichen freyheit czuentgegen eyniche noot odder gezwang ge

A ij mache

macht/vnd also den gewissen/wie vormals durch menschen
satzung geschehen/stricke gelegt werden sollen/Sonder alley
ne das wir hierynne als durch eynn bürgerliche willkürliche
Ordnung/formlichen vnd ordentlichen / auch so vil es mög-
lichen eynerley weyse handeln vnd gebahren mögen/Angese-
hen das solche eüsserliche Cerimonien vnd geberde czum teyl
von vnserm heyland Christo selbst auffgesetzt/als nemlichen
die heyligen Sacrament der Tauff vnd seynes leybs vnd blu-
tes ꝛc. auch erzliche sonst ynn der schrift gegründet als ehe/
vnd ehe scheydung/darynne dann ane das nymands anders
dann nach dem wortte czuhandeln macht hat. Czum theyl
aber eynes vnstrefflichen alten herkömens / vnnnd den kyndis-
schen schwachen Christen / wie dann der merertheyl befun-
den wirt/ czu gutter eüsserlichen anreyzung dyenstlich vnnnd
notwendig seyn/vnd derhalben yhe nicht mügen gar verach-
tet vnnnd abgethan werden. Aber doch nicht sollen mit vns-
formlichen myßbrauchen behengt bleyben. Ist derwegen vn-
ser götelichs Begern vnnnd Christlich vermanung / wöllt czu
ehren dem götelichen worte vnnnd Christlicher eynigkeit/ ynn
solche gutte ordnung gutwilligtlichen vnnnd eynmüttriglich
treten/ vnd/wie vns der heylige Paulus lernet/ yn allen dings
gen ordentlich gebahren.

Artickel der Ceremonien

vnnnd anderer Kirchen Ordnung.

Erstlichen damit die Biblische schrift so vil bekanter vn-
ter dem Christen volck werden müge / vnd sonderlichen die
yenigen/so yn künstreigen czeytten prediger werden sollen/bey
der heyligen geschrift auffgezogen werden/soll die ganze
Biblische schrift yn Metten/Messe/vnd Vesper ordentlich
Capittel weyse eyngeteylet vnd gelesen werden an den orten
do man es füglichen thun kan/ den die anderen mögen nach
vormögen hynach greyssen/doch also das man etliche Capi-
tel/als von erselung der geschlechter/ader volcker/oder sonst
dergleychen

Bergleychen ym alten Testament/ so dem volck vndienstlich/
auffen lasse. Auch dieweyl solche Bücher noch nicht alle ynn
gut deütsch bracht seyn / muß man die weyl yn den yeningen/
so ym druck außgangen sein/ sich üben bißsolang die andern
auch gefertiget werden.

Czum andern / dieweyl aber solche übung der heyligen
schrifte neben andern singen vnnnd lesen/welchs doch wenig
seyn sol/mehr dan ynn eynerley sprach gescheen kan/vnd be-
reydt alhie zu Königßberg/vñ vast an vilen orten der meh-
rer theyl solchs lesens vnd singens ynn Deütscher zungen/
damit sich es yederman am besten gebessern müge/ furgend-
men ist/bleybt es killich dabey das diese vnser gemeyne czun-
ge vornemlich hirynne gebraucht werde/als sonderlich was
die Capitel der schrifte vnd gebet oder Collecten/auch hand-
delung vnnnd reychung der Sacrament belange. Was aber
Introit der Messe/ Et in terra. Sanctus. Agnus dei. vnd Re-
sponsoria zur Metten vnd Vesper seyn / dieweyl solchs al-
les vil noten hat/vnd das deütsche darvnder nicht formlich
nach vornemlich ist/mag man wol lateynisch bleyben lassen
Oder wo solche gesenge yezunde bereydt deütsch gehalten
werden / mit der czeyt/ wo die lateynischen schulen daß ynn
den gang kömen/widder lateynisch halten/ denn auch Paulus
1. Corint. xiiij. nicht weret ynn der Christlichen gemeyne
mit zungen zureden/ Vnnnd aber sonderlich diese lande vil
vndeutscher haben/ welchen man hirynne nicht wol anders
dyenen kan / denn das man etwas lateynischs bleyben lasse/
damit doch yhr etzliche auch yhren theyl an vnserm singen
vnd lesen verstehen.

Wir haben auch fur gut angesehen/ das man das lateyn-
nische psalliren nicht ganz abgehen lasse / yn sonderheit wo
bessere translation kömen würt / vnnnd die schulen ynn dem
schwang gehen.

Item man muß zu solchem singen vnnnd lesen bequeme
Bücher/zu gemeynem gebrauch schaffen.

Von Metten.

Anzufahen wie gewöhnlichen Domine labia mea ꝛc. Lateynisch oder deutsch nach bequempigkeit ane Venite vnd antiphonen vnd folgende zwene oder drey psalmen- nach dem dieselben lang oder kurz/ ynn gewöhnlichem thon zusingen/ mit klaren vnderschiedlichen sillaben vnd worten.

Darauff sol der Caplan odder Pfarrer/ eyn gantz oder halb Capittel gegen dem volck deutsch vnd clar lesen / vnd nicht singen/ mit eyner gantz kurzen angehefften angeyngüg des vorstants vñ brauchs oder nutz es solcher gelesen schrifft vnd sollen solche Capitel ordentlichen nach eynander auff dem alten Testament vom anfang bis auff die Propheten genomen werden.

Darauff sal gesungñ werden ein gewonlich Responsß auff demselben buche der schrifft/ darauff man zurzeyt die Capital liest/ vnd also bey yzlichem buch der schrifft/ eyn sonderlich responsß gebrauchet werden. wie dann dieselben am ende verzeychent seint.

Darnach singet der priester den versickel/ Erzeyge vns herr deyn barmhertzikeit/ mit antwort des Chors/ vnd beschleußt mit eyner deutschñ Collecten von der zeyt/ vnd gewonlicher Benediction wie am ende diser ordnung verzeychent ist.

Item die Psalmen zur Metten sollen sein das erste teyl des Psalters bis auff Dixit dominus.

Item es wer förmlich das solche Metten alhier zu Königßberg ynn der Altenstadt etwas lenger auff den tag am werck tage gehalten würde/ als ym Sommer bis auff sechs vhren/ ym Winter bis auff sieben/ das die Lectien bald darauff folge vnd die gewonlichen deutschen geseng bald auff die Metten vom volck/ so sich vnder der Metten zur Lection versamelt/ angefangen würden.

Wir ermanen

Wir ermanen euch aber sonst allenthalben / wo solche
deutsche Christliche gesenge noch nicht ynn übung seynt/
das yhr dieselben anrichten vnnnd lernen wöllet/wie man sie
dann beysamen gedruckt findet / denn sie vast besserlich vnd
Christlicher gemeyne gantz dyenstlich seyn.

Vesper.

Mit dem vers Deus in adiutorium/anzuheben deutsch
oder lateynisch nach bequemigkeit/mit dem Gloria patri.

Bald darauff eynen psalmen /zwene/odder drey/darnach
sie lang odder kurz sein/yn gewonlichem thon zusingen klar
vnd vornemlich/anzufahen vom Dixit dominus ꝛc. bis an
das ende des psalters/ane antiphen.

Darnach sol der diener eyn Capittel oder halbs/darnach
es lang oder kurz ist/auß dem alten Testament/ anzufahen
an den Propheten bis zum ende der bücher des alten Testa-
ments/zum volck laute lesen. mit eyner kurzen declaracion/
wie oben yn der Metten/welche er von dem prediger vorhin
vorzeichnen sol/wo er anders selbst nicht genug vorstendig.

Darnach sol man das Magnificat deutsch singen/dar-
auff mit gewonlichem Versickel vnd Collecten/wie ynn der
Metten./samt der Benediction beschliessen.

Von Collecten oder gemeynen gebeten.

Solche christliche Collecten oder gebete/zur Metten/Vesper
vnnnd auch zur Messen / das Jar vber zugebrauchen/ seint
hynden an diese ordenüg ordentlichen nacheinander gesetzt.

Das Salue/wiewol es nu Christlichen geendert/vnd son-
derlichen das Rex regum/ so man alhier ynn der Altenstade
nach dem beschluß der ampte zusingen pfleget/mögen wol
billich

Billich von Kurtz wegen / vnd sonderlichen dieweyl sich das
Capitel etwas vorzeucht / außgelassen werden.

Was man aber hierynnen anders halten sol auff erliche
fest / wirt vnden an seynem ort von den festen gemeldet.

Von Predigen.

Am ende der prediget des Sontags vnd Feyertags sol dem
volck eyn gemyne Christliche beychte vor gesagt werden / wie
dann geschickte prediger wol zuthun wissen. Aber von der
eynfeltigen wegen auff dem lande / ist eyn sonderliche form
gestelle / wie am ende dieser ordnung volgen wirt.

Auch sol alsdann / dem yungen volck das Vater vnser /
der glawbe / vnd gehen gebot furgesagt werden. Wo man
aber auch nach mittag predige / geschicht es alsdann billicher /
dartzu dann mehr yunges volcks vnd dyenstboten zutmen
pflegen.

Item es ist von nöten den vndeütschen yhre Tolkten zu
haben / welche so vorhyn an erlichen ortten auß der Tafel
wochenlich seynt bestelt / verzunde abgehen / dieweyl nymādt
nichts mehr ynn die Tafel gibe.

Von der Messe.

An welchen orten vñ kyrchen des Introitus halben nichts
geendert / mag man die gewonlichen Sonteglichen Introit
lateynisch behalten / dieweyl es schrifft ist / Wo aber die In-
troit abgethan seyn / vnd deütsche Psalmen dafür gesungen
werden / laß man es auch dabey bleyben / bisß das man der auf
gerichtten Lateynischen schulen halben den Lateynischen In-
troit oder ganzen Lateynischen Psalm an die stadt ordnen
wirt

Von dem Kyrieleyson ist fur gut angesehen / dieweyl es
dreymal

Drey mal gesungen wirt das es yn dreyen Czungen/wie man auch alhier pfleget/Krichisch/Lateynisch/vnnd deutsch gesungen werde.

Gloria in excelsis/vnd Et in terra/mögen deutsch odder Lateynisch nach bequemigkeit gesungen werden.

Die Collecten oder gebeth clar deutsch mit gewonlichem accent vnd nach ordenung der czeyt.

Darauff zur Epistel sol der Priester eyn halb oder ganzs Capitel auß dem Newen Testament / yn Paulo anzufahen durch alle Episteln der Aposteln / vnnd Acta Apostolor/am Sonntag vnd Feyertagen/ wo es die menige der zuhörer fordert auff dem gewonlichen predigstuel/ An wercktagen aber vor dem Altar/ gegen dem volck/wol laute/verstentlich vnd deutsch lesen/vnnd pronunciren ane accent/ damit die wort so vil bass vernömen werden von den umbstendern.

Die Epistel am feyertage vom predigstul zu lesen wil sich am besten fügen das es eyn mithelffer thu vnnd nicht der Messhaltent/ Welcher nicht sonder verzug vnd stillschweygen zu dem predigstul kömen kund/Wo aber die Kirch kleyne odder sonst des volcks wenigk / ist nicht von noten auff den predigstul zugehen.

Volget Halleluia mit der Melodey gereymet auff den deutschen Psalmen so man darauff singen wil / wie dann alhier bereyt yn vbung.

Aber von sonderlichen festen/wirt vnden an seynem ort etwas sonderlichs angezeygt.

Darauff sal der diener odder püester ein ganz odder halb Capittel des Euangelions lesen/ anzufahen vom Matheo bis zum ende Johannis/mit der form vnd an den orten wie bey der Epistel gemelt ist.

Das Credo oder Symbolum sol der püester nicht/wie vor/
B anfahen/

anfahen / sonder es sol deütsch vom Chor vnnnd dem volck
gesungen werden.

Volge die Prefation / welche der Püester deütsch singet
sambe den Euangelischen worten der gebenedeyung odder
Consecration vber brod vnd weyn (den Offertoriü / Secretz /
Canon minor vnd maior werden notwendig außgelassen)

Auff die volendeten Prefation vnnnd Consecration gibe
man eyn czeychen mit der schellen / darnach so balde Eleuire
der püster beydeteyl des sacraments ane mittel nacheinander

Vnter des vnd so balde die Prefation sambe der Euanga
gelischen Benediction auß ist / singet der Chor Sanctus
deütsch oder lateynisch nach gelegenheit mit wenig noten.

Darnach so balde sol sich der Püester ob dem altar vmb
heren vnd das volck laut ansprechen mit solchen worten.

*vid. infra die
formen
pag. a ij.*

Vorrede czum Vater vnser.

Laszet vnns hertzlichen bethen / dan Chriustus vnser here
hat vns geheysen vnnnd selbst gelert zu bethen / Auch haben
wir gewysse zusagung vnser Gottis das er vns auß gnas
den vnd warheit / so wir bitten / erhören wil.

Volge das Vater vnser / Welchs der püester gegen dem
altar deütsch vnd wol vorstendiglichen mit der alt gewon
lichen nothen singen sol / Antwort der Chor / Sed libera re.
deütsch.

Balde darauff singet der Chor das Agnus dei / mit wenig
noten deütsch odder lateynisch nach gelegenheit / doch von
kürtz wegen alleyn zweymal / damit die nachfolgenden Chri
stlichen gesenge der gemeyne so vil bas stad haben / vnd das
erste mahel mit dem Miserere nobis / Czum andern mit dem
Dona nobis pacem czubeschliessen.

Darauff

Darauff ane mittel wendet sich der Püester zum volck/
vnd gibe yhnen die Euangelische Absolution oder den Fryde
vnd singet deutsch Pax domini ꝛc. Antwort der Chor ꝛc.

Balde thut der Püester eyn kurtze vormanung zu den
Communicanten/ so sich zuuor angetzeygt/ vnd furhanden
seyñ/Wie den hierzu eyn kurtze form gesteldt ist/ hynden an
dieser ordenung ende gesatzet.

Ane mittel darauff sol der püester erstlich reychen yglichem
yn sonderheit das brot vnd leyb Christi/sagende/ Nym hyn
vnd yß/das ist der leyb der fur dich gegeben ist/darnach des
gleychen den kelch sprechende/ Nym hyn vnd trinck / das ist
das blut das fur dich vergossen ist,

Vnder solchem Cömunicirn sol das volck mit dem Chor
singen das deutsch lied Ihesus Christus vnser heylant/vnd
nach der Communication Got sey gelobet ꝛc

Darnach sol der püester mit eyner deutschen Collecten/
vnd gewonlichem segen odder benediction beschliessen/Wie
oben zur Metten vortzeyhent ist,

In sonderheit von der Cömunion

Item am Sonntag vnd Feyrtag von wegen der Cömunis
canten eyn ganze messe / wie oben vortzeyhent/ zu halten.
Aber am werckentag / so nicht Cömunicanten furhanden/
mag mā sie singen biß auff die prefation/welche aber sampe
den wortten der benediction des brots vnd weyns sol aussen
bleyben/vnd alleyne das Vater vnser gesungen werden/ dar
auff Pax domini ꝛc. vnd ane mittel mit dem segen beschloß
sen/denn die letzte Collect richt sich gewonlichen auff das
entpfangen Sacrament.

Item ann feyertagn sol der diener alhir nach der Metten/
odder yn anderen flecken sonst zugelegner tzeyt / der yeningen
so das hochwirdige Sacrament zuentpfahen gedencken/

B ij warten

warten sie kurtzlich vnderrichten / vnnnd widderumb sampt-
lichen vnd sonderlichñ nach gelegenheit hören ꝛc. Wie denn
hier von am ende eyn form gestelt wirt,

Item Es sal niemant kömen das heylig Sacrament zu-
entpfahen er habe sich danñ zuuor am feyertag / Wie verzt an
gezeygt / odder am werckentage / sonst zubequemer zeyt / dem
diener erzeygt / denñ diß Hochwirdig Sacrament nicht yn ge-
meyne vnder den hauffen zu werffen odder geben ist / wie
das wort odder predig / sonder alleyn den yenigen / so sich als
Christen beweyßen vnd mercken lassen.

Derhalben sollen die Cömunicanten zuuor yhren hunger
vnd durst auch glawben anzeygen,

Item man sol das volck ynn den predigen wol warnen
vnd vnderrichten / das die yenigen / so ynn offnen lastern ly-
gen / on alle besserung / sich als die vnchristen dieses Sacra-
ments enthalten / Derhalben auch die Cömunicanten eyn ey-
gen stelle vnnnd orth nahent bey dem Altar haben sollen / da-
mit sie von der ganzen gemeyne besichtiget werden / vnñ sich
nymandt eyndringen müge / denn so sich vorhyn erzeygt ha-
ben vnd zugelassen seyn.

Vnnnd hiemit mag mit gutter bescheydenheit widderumb
der weg zur rechten Christlichen excommunication mit der
der zeyt bereydt werden / doch das hiyinne nichts furgend-
men werde ane vorgehende warnung / vnd das die gemeyne
mit dem diener das vrteyl felle.

Item es seynt etliche personen die nicht alleyne das göt-
lich wort fliehen / sonder auch verspotten vnd lestern / begern
dennoch gewaltig das Sacrament von den dienern / Wol-
len aber nicht eyniche rechen schafft geben yhres glawbens
odder besserung / diesen sol man die fahr yhrer selen seligkeit /
vnnnd das sie diß Sacrament zum verdammis genyßen / an-
zeygen / vnd sie freuntlichen mit Gotis wort vnterweyßen /
wil es nicht an yhnen helffen / ist yhnen das Sacrament
nicht zureychen.

Item es kömen

Item Es können alhier zu Königßbergk/ vnd an etlichen andern orten/zu grosen festen/die vndeutschen mit hauffen/ auch mit yungem gefinde/ begern alle des Sacraments/ vñ dringen sich eyn / diesen muß man eynen Tolcken bestellen/ der auff solche fest yhnen ez uor/ynn yhier zungen/gutten fleysßigen bericht thu / auch darnach widerumb von yhnen bericht neme/das man wisse was sie suchen vnd glawben.

Von gefeßen des Sacraments:

Im Thumb/dergleychen yn der Altenstade/alhier zu Königßbergk/bedarf man ynn ygliche pfarre drey kleyne kelch/ ezwene für die francken/von wegen etlicher vnreynen vñ vorklippender francken/ vñ den dritten kelch am Sonntag für die Cömunicanten,

Item In eyner yglichen genanten Pfarckyrchen eynen großen kelch zu eynem stauff oder anderthalben auff grose fest zur mennige des volcks zu brauchen/als auff Ostern/Pfingsten ꝛc. Doch zuuor hütten das solche kelch nicht zu weyt schweyffig sein/darauß man den nicht wol ane vorgießung vnd vorehrung trincken odder gysen kan.

Item Eyn grose silbern odder ander kandel die man neben dem kelch auff solche fest ezubrauchen hett / Welch gefesse man billich sonst zu nichts anders brauchen solt/Darnach mag man sich auch wol an anderen ortten / wo vil volcks ist/richten.

Item Das Sacrament nicht einzusperrern/ sondern/ bey den francken ezubenediciren/also/ das der diener brot vñ weyn mit yhme neme/damit der francke die heylsamen wort anhöre.

Ziebey hat man den pfariern ym Synodo ein wenig weyter zusagen/wie yhnen auch die ganze andere ordenung muß durch solche Visitation vorkündiget vnd ercleret werden.

C vom Tauff

Vom Tauff.

Die Tauff sol gescheen yn der kirchen/wie vor/alleyn yn lauterem wasser/darzu ym gewonlichen tauffteyn erhalten/welchs mag vernewet werden so offte es von nöten ist/vnnd bedarff nicht der Osterlichen alten Ceremonien/auch keynes ehels oder cresems/vnd sol yn allwege yn deütscher bekantertzungen geschehen/mit den gewonlichen exorcismus vnd gebeten/so vil es die czeit anders leyden wil/doch das man keynen notzwang darauff mache/wenn alleyn sonst die rechte form gehalten wirt.

Item die kyndeleyen so daheyme recheschaffen genot taufft seyn/wie/dan solchs auch recheschaffen gescheen soll/mügen nicht widder vmb ynn der kirchen getaufft werden/dar vmb es eyn vorsportung der heyligen tauff ist wenn man allererst c zweyffeln wil ob solche kyndeleyen getaufft seyn odder nicht/vnd sol mit güetter berichtung des volcks solchs widderteuffen yn alle wege abgestelt werden.

Von öffentlicher Busse.

Dieweyl yn diesen landen das erdrücken der kleyne kyndeleyen gantz gemeyn vnd yn großer czal befunden wirt/also das es/wie wol ane willen vnd fursatz/doch nicht ane vnachtsamkeyt/vnnd derhalben nicht ane merckliche schulde der mutter geseyn kan/Als nemlichen auß trunckenheit/oder das sie also vnvorsichtig seyn/vnd die kyndeleyen zu sich yn yhre bette legen zc. Derhalben auch die Christlich gemeyne billich gegen solchem offenbaren großem vbel die Christlichen straffen des Bannes brauchen sollen/vnnd eyn solche person nicht fur ein Christlich gelied erkennen nach annehmen/sie habe den czuor yn offner busse/das yhr solche sünde leydt sey vnd das sie herzlich den gnaden begere/fur der ganzen gemeyne des ortes genugsam erzeygt/Als nemlichen
das sie eynen

Das sie eynen Sonntag / drey odder viere / nach umbstendig-
keit der sachen / an eynem sondern sichtbarn ort ynn der kir-
chen vnder der predigt stehe yn demütiger flehender geber-
den / vnd vom prediger dem volck angezeygt / Nach der pre-
diget aber widder auß der kyrchen gewysen werde / bisß das
sie entlich der gemeyne versünnet vnd absoluirte werde / Wie
dann solcher vorsünung vnd absolution eyn form vnd ans-
weysung am ende dieser ordenung vorzeychent ist,

So aber yemandt sonst furserzlich odder yn zorn eynen
mort begehet / Wo solcher den weltlichn gerichtten entbücht /
sol er fur seynen Bischoff gewysen werden / alda seyn offents-
liche Busse thun / vnd absolution empfangen / Doch sol solche
Busse yn keynem falle fur eyn genungthuung geacht werden /
Welche ehre alleyne dem blutte vnd todt vnser herin Ihesu
Christi gebürt / sonder alleyn als eyn beweysung eynes leydi-
gen demütigen gnad begyrigen gemüts gehalten / auch sol
ynn keynem weg hierynne eygener nutz gesucht werden / Wie
dann etwann die Busß genyls getragen hat.

Von der Ehe.

Das auffbitten odder verkundigen der Ehe sal auffß we-
nigst acht tage fur der köstig gescheen / damit raum gelassen
werde dem yenigen so villeychte dareyn zusprechen hette.

Item Das dieselben so zu der Ehe greyffen / zumor / wo
sie vnbekant seyn / Ihre namen vnd zuname(n) landt elteru /
auch herrn / wo es diener weren / nennen sollen / Wie auch
solchs eygentlich auff der Canzel sol namhafftige gemacht
werden.

Wyr wollen auch die gerichte der Ehesachen mit geschick-
ten redelichen Officielen bestellen / Welche mit Gottis wort
vnd nach demselben zu vrteylen wissen / oder ye / wo sie nicht
gantz gewisse weren / guts rats pflegen.

Wo nu auff dem lande vnnnd Stetten den amptleitten/
Rethen/ Pfarrern/ oder Predigern solche Ehesachen furques
men/die do eynicherley weyße yrig weren/Als in den worten
der Ehestiftung/odder meynung derselben/odder wo sie eyn
ander der bewilligung aufffallen / odder wo die Ehe auff ey-
nen truncken abent oder sonst hynderlistig auffgericht/ vnd
darnach dem eynen nicht gefallen wolt./ odder auch hynder
den eltern vnd wider yhren willen geschehen were/die solchs
nicht gestatten wolten.

Item ob es der gesibschafft halben zu nahen were odder
zu nahen seyn gesehen wurde/ Oder aber eyniger eynsprach
halben / odder anders dergleychen gebrechen haben würd/
Sollen die part an den Official gewoyssen werden,

Item Das eyn Official auch eynen bestympten tag ynn
der wochen hereyn gen Königsbergt kōmen sol dergleychen
den anderen vornemlichen Stetten zu gelegener tzeit vnnnd
stelle des gerichtts warten / solche sachen Czuuerhören / das
mit die prediger so vil weniger anlaffens derhalben haben/
vnd anderer sachen/so yhnen beuolen/aufwarten mögen.

Ehebruch.

So der beklagte teyl vmb Ehebruch odder sonst andere
gebrechen / vor dem Official nicht erscheynen nach gehor-
samen wolt/ sollen die Amptleite oder Burgermeyster pflit-
chtig seyn dar ob zu halten/hilff vnd beystand czuthun/das
mit das vbel gestrafft werde.

Wo aber eyn parth des Ehebruchs vberwoyssen / sol der
Official dem vnschuldign teyl eynen gezeügniß brieff geben
Warumb er solche Ehe geschyden / damit dasselbe vnschul-
dig/ob es widder freyen wolt/ sein recht vnnnd erleübnyß an
allen orten möcht beweyssen,

Item Es were auch wol gut yn solchem fahl des Ehe-
bruchs

Bruchs dem Official allewegen eynen Rathman zuzugeben
damit auch die weltlichen gerichte alhier yhr einsehen haben
mochten / vnd diß groß vbel nicht allzeyt ungestrafft bylebe/
wie bissher eyn schedlicher brauch gewesen ist.

Von Festen.

Item Alle festa Christi vnsers seligmachers / zurgedech-
nyß vnd ermanung der kalten vnd kyndischen Christen /
welcher allzeyt eyn grofsteyl seint / zuhalten / Als nemlichen
Natiuitatis Christi / Circumcisionis / Epiphanie / Purificatio-
nis / Annūciationis / Cene domini / Parasceues / Pasce / Ascen-
sionis / Pentecostes / doch ane frembde zusetze / als des Liecht-
weyhens / fladenweyhens vnd dergleychen.

Item Auff solche fest sol die predig sonderlich vom gedech-
nyß des festis geschehen / damit die groffen heylwertigen wer-
cke vnsers Gotes so vil weniger bey den kalten ynn vorgeß-
sung kömen mögen.

Item Weynachten / Ostern / vnd Pfingsten sollen mit vol-
genden zweyen tagen gehalten werden daran man auch al-
lenthalben predigen sol.

Item Auff solche festa / nemlichen die furnemsten drey /
sal man zu merer solemnitet die sonderlichen deütschen ge-
senge von solchen festen / auch gewonlich responsoria yn dem
ampten halten vnd eynheylen / Als auff Weynachten den
hymnum A solis ortus / deütsch / das Respons Verbum caro
factum / zur Vesper vnd Metten / Das Grates nunc omnes
deütsch odder lateyn / Item Eyn Kyndeleyen so löbeleych zur
Messe vnd predig ꝛc.

Item Das gedechtnyß Johannis Baptiste / auch aller
Aposteln sollen zu yeglicher zeyt / wie sie ym Jar gefallen /
auff den vorgehenden Sonntag vorkundiget werden / nicht

feuertag zumachen / sonder das es gut ist das man solche
Christliche exempel so vil man auß gewysser heyliger schrifft
haben mag/ dem volck furbilde / vnd nicht voileschen laß /
Welchs auch als dan bey der verkundigung odder am tage
yn der Lection mit kurzen wortten geschehen sol / Auch die-
net solch verkundigung den vngelereten zu vnderschydung
vnd merckung der zeit/ auß welcher vsach man yhnen auch
andere tage/ darauff gewonlich die frist/termyn vnd ezalung
sehen/ verkunden möchte/ als Michaelis/ Martini ꝛc. gleych
wie man etwan eyn langeszeyt den Newen monden verkun-
diget hat yn der kyrchen.

Von Begrebnys.

Solchs sol man an eynem odder mehr gelegen orten außer
der stad alhier zu Königßbergk habñ/die vsach seynt leyche
zuerkennen/darumb vnnötig zuerzelen.

Item es ist löblich das man/gegen toden vnd lebendigen
die liebe zu vben/volge zum begrebnys/ man hat auch dies
ses fleyßes vil exempel ym alten vnd newen Testament.

Item So yemant der Capellanen oder diener hiez zu be-
geren wurd / Sollen sie mit gehen wie ander freund ane ge-
senge / vnd bey dem grabe sol der diener eyn kurze vorma-
nung zu trost vnd vnderricht der lebendigen thun/ vnd dar-
auff das volck eyn deütsch Media vita singen lassen.

Das aber yn dieser vormanung nichts vnformlichs eyn-
geführt werde-ist das eyn sonderliche anleytung am ende die-
ser ordenung gestellt.

Item Formlich ist es das das volck hiez zu mit einem kura-
zen / aber doch kentlichem gelewt beruffen werde bey dem
glöckner zubestellen/ Wer es aber nicht wol vormag/ lasse es
lieber nach.

Item wo

Item Wo sich aber yemandt yhe bey den pfarren yn der stadt wolt begraben lassen / mocht man darauff setzen vngewerlichen etliche marck / wie auch zuuor yn der Altstadt zu Königßberg gewonliche / zum theyl dem gemeynen Kasten zu gut zum teyl das mit auffßatzung solchs geldes gewehret wurd / das es wenig begerten.

Solchs alles sollen auch andere kyrchspiel nach gelegenheit annemen vnd nach vermögen nach volgen.

Visitation oder Synodus.

Wyr wollen auch allewege ym yar eyn mahel oder mehr / nach dem es von nöthen seyn wirt / eyn yeglicher yn seynem Bischtumb Synodos machen / der Pfarhern oder Prediger leber vnd leben zuerforschen / yhnen yn yhren zweyffeln oder gebrechen reitig vnd hülfßig zu seyn / vnd was sonst yn Ecclesia von nöthen yst zuordenen / schaffen / Corrigirn ꝛc. auch auffzusehen das yeglichs kyrchspiel yhre pfar kyrchen / als eyn gemeyne gebede / yn wesentlichem bau halten.

Item Wo es alhier zu Königßbergk odder dießergeleychen orten mangelt an Chorgesang zubestellen / mag man etliche der alten priester / so hier zu dienstlich / darzu ordenen / diuweyl man sie doch bey yhrem eynkömen bleyben leß / vnd sie yhe bi oth auch nicht gar vmb sonst essen sollen.

Beschluß.


Solche vnser ordnung / wie allenthalben oben vorseychent / so vil derselben eynes yglichen Orts odder kyrchspiels gelegenheit dienstlich / sol an die pfarer odder kyrchen diener yn den Sinodis oder visitation mit gutter vnderichtung getragen werden / Welche darnach weyter yhr volck darvon fleißig vnd bescheydentlichen berichten sollen / ehe den eynliche anderung

che anderung furgenömen / damit / so vil es möglich / alle ers
gernuß vorhütet werde / Wyr wollen aber mit dieser vnser
ordenung yn keynen weg vornichtet vnd vorworffen haben
anderer Bischtumb vnnnd kyrchen weyse vnd gebreuch / so
fern sie sonst Gotlichem woite nicht entgegen seyn / Erbieten
vns auch gegen menniglichen / vnsera furnemens bewegung
vnnnd vrsach / so vil es von noten seyn wirdt / anzuzeygen.
Welches wyr von kurze wegen yn diesen schrifftten vnder
lassen haben / Angesehen das solche schrifft an die vnseren ge
stelt / bey welchen solchs alles ane das mit grunelicher vnder
richtung muß geprediget werden / Wie dan yn den furnem
sten artickeln bereyt fast ist bestehen. Diuwoyl wir aber / wie
ym anfang vormelt ist / niemant eynliche not nach gezwang
aus dieser ordenung / so vil sie menschlich ist / machen wol
len wyr auch vns selbst vnnnd vnseren nachkömen den weg
hiemit nicht gesperret haben / dieselben vnser ordenung / nach
enderung der vmbstendte / mit der czeit etwann czu enderen /
mehren odder myndern / wie man solchs ynn guttem Rathe
wird finden mögen / Doch kan yederman wol abnemen / das
von wegen Chustlicher eynigkeit / sich nicht gebüren wil /
nach czu gedulden were / so yemandis seynes kopffs vnnnd ge
fallens dysse berwilligte ordenung vorachten wurde vnd vber
treten / des wyffe sich menniglich czuhalten.



Folgen die Formen
vnd anleytung
zu vor ange-
zeigter
Ord-
nung vor
meldet vnd
vorheyschen.

act 1054



TO THE
HONORABLE
MEMBERS OF THE
LEGISLATIVE
COUNCIL
OF THE
STATE OF
NEW YORK
IN SENATE
JANUARY 1888

Die vorrede des Vater vnsers

Inn der Messe.

Lasset vns hertzlichen beten dann Christus hat vns gehey
ßen vnnnd darvber selbst gelernet zubethen/auch haben wir
gewysse zusagung vnsers Gottes / das er aus gnaden vnd
warheit vns/so wir bitten/erhoien wil.

Vormanung fur dem Altar

Zu den Cömunicanten.

Ihr lieben zc. dieweyl euch hungert vnnnd durstet nach der
Barmherzigkeyt Gottes/vnd hertzlichen Begeret vorgebung
ewer sunden/So hat vnser heylant Christus seinen leib vnd
Blut fur euch gegeben/das euch ewere sunden sollen abgewa-
schen sein/so vil ewer seint die solchs gleroben/ vnd hat der-
halben auch hieher gestellet zum zeychen seyn fleyßch vnnnd
blutt/ damit yhr versichert seyt gleych wie es yetlicher fur sich
entpfehet/das er sich auch also fur sich des Euangelion vnd
eyns gnedigen voreynigten Gotes zu trosten vñ anzunemen
habe/ So richtet nu ewere hertzen auff mit starcker hoffnung
vnd hertzlicher zuvorsicht/vnd entpfahet das hochwirdige
geheymnus wie yhr glerobet so geschicht euch.

Im darreychen/ Nym hyn vnnnd yß zc. Ut supra. 18. B. ij.

Form eyner kurtzen furgehenden

Vnderichtung vnnnd befragung der yeningen so
Cömuniciren wollen.

Azum ersten das man sie vnderichte wie es nicht genug
sey zu gleroben das vnter dem brot sey der leyß Christi/ vnd
vnter dem weyn seyn warhafftig blut / Sonder das vil eyn
hoher vnd großer glawbe darzu gehore/Nemlichen das du
glawben solt das dir deyn herre Christus ym Sacrament

a ij. durch

durch seyn wort trostlich zusagt das sein leyß vnd blut deyn eygen sey / Ja das dyr alles geschenckt sey was die wortt yn sich haben Nemlichen vorgebung deyner sunden vnnnd eyn gnediger Gott.

Czum andern das man yhnen die wort furhalte yn wela chen Christus das Sacrament gegeben hat / Nemlichen Nemet hyn vnd esset. Math.26. Mar.14. Luce.22. 1.Cor.11.

Czum dritten das man yhnen anzeyge / wie yn den selben wortten die ganze macht nutz vnd frucht lygt / so sie mit dem glauben yn das hertz gefasset werden.

Item Wie der glawbe an dieselben wortte die rechtschaffene bereytung sey / Wen dich deyn sunde trucket vnd gnade begereft.

4

Die Fragen oder verhoere.

Es geburt eynem Christen das er rechenschafft vnd antwort geben kan / so man yhn fraget warumß er das Sacrament begere vnnnd neme / denn wo man nicht wußt wo czu man es begert / ist besser davon czubleiben.

Frag / ob er eynen rechtschaffenen glauben habe / vnnnd was das Sacrament sey.

Antwort / das die wort Christi Nemet hyn ꝛc. vnnnd der leyß vnd blut Christi vnter dem brot vnd weyn das Sacrament sey.

Frage / was er da suche ym Sacrament vnnnd warczu ers gebrauchen wil. Antwort / das er darynne suche seynen glauben an das wort czusercken vnd sein gewyssen czutrosten.

Frage / ob sie aus gewonheyt / altem brauch / gesetz / des Pabsts / zwang der eltern odder yhier herren odder dergleychen darczu vororsacht / wollen czum Sacrament gehen / sie dafur czu warnen / Antwort / das sie durchs Euangelion gelernet

gelernet von yhn selbst freywillig aus hunger vnd glawben
herzu kōmen.

Item Ob er eynen ernstern vordrys habe vber sein voriges
sunchafftigs leben/ vnd eyn hertzlich begyrde eyn recheschaf-
fen Christlich weesen hynfurter zufuren/ vnd hiez zu stercke
sūche ym wort vnd Sacramente

Form der offnen beycht

nach der predigt.

Dieweyl wyr nu das heylig Gottis wortt gehört haben/
Welchs ym glawben gefast reyniget die hertzen / So lasset
vns vnser funde vnd myffetat bekennen/ das wir es nicht
ane frucht faren lassen / vnd seyntemal eyn yeglicher sich yn
funden findet/ so muß er bekennen vnd sprechen/ Ach herre
gerechter vnd barmherziger Got ych bekenne das alle meyn
weesen vnd leben ymnerlich vnd eusserlich nichtis dan funde
ist/ vnd alle meyn gedancken worde vnd wercke aus myr sel-
ber nichtis anders dan lauter vbel vnd myffetat/ derhalben
begere ich gnade durch Ihesum Christ deynen lieben sohn /
Er arme dich meyn vmb seynen willen / den du myr zu eyn
nem hohenvriester vnd mitteler gestellet hast.

Anleytung der ermanung an die lebendigen freunde vnd nachfolger zum begrebnys.

Das die schufft nicht vorbeit sonder lobet die yemigen
so sich betrüben vmb der verstorbenen freunde willen.

Die liebe des freundes macht das man sich betrübet/ das
man aber sich zubetrüben nicht auffhoret / odder dorynne
keyn maß helt/ macht der vnglaube,

Also beweynet Abraham seyne Sara Gen. 23 Joseph
mit den Erzveteren beweynet den Jacob Gen. 50. 7c.

a iij Stephanus

Stephanus ward begraben vnd beweynet von etlichen
Gotforchtigen Actuum 8. Johannes der teuffer von seynen
Jungern Math. 14. Joseph von Arimathia begrebet Chri-
stum Math. 27.

Wiewol diß alles die toden nicht hylffte so ist es doch eyn
anzeigung der liebe so die lebendigen zu yhnen getragen
haben/ geschicht auch zum teyl zutrost den betrubten freun-
den des vorstorbenen / Man darff fur des vorschynenen seel
nicht opffern nach singen nach klyngen nach reüchen nach
spriengen / Sonder wir lebendigen sollen vns ym begrebnysß
erynneren das wir den weg auch gehen müssen vnnnd gerne
gehen sollen.

Die letzten drey obgeschriebenen formen seynt alleynne an-
leytung weyße/ fur die yenigen dyner gestelt/ so sich selbst hier
ynne nicht zuweyßen wyssen.

7

Folgen die Collecten oder
gemeynen gebethe/ Zur Messe/ Vesper/ vnnnd
Metten des ganzen Jares.

Dominica prima Aduentus.

Wyr bitten o herre erwecke deyn goelich gewalde / vnd k̄me vns zuehulff / das wyr durch deyne beschutzung mogen von zukunfftigen ferligkeyten vnserer sunden eriettet werden vnd las vns mit deynere erlosunge werden gehulffen / der du lebest vnd hyrschest Got mit dem vater yn eynigkeite. des heyligen geystes von ewigkeite zu ewigkeite.

Dominica Secunda.

Erwecke O herre vnserer hertzen zu bereyten die wege deynes eyngelobnen / das wyr durch seyne heylsam zukunfft dyr mit gereynigtem gemuet mogen dienen / Der mit dyr lebet vnd hyrschet.

Dominica Tertia.

Wyr bitten O herre nym vnser gebethe zu deynen oren / vnd erleuchte die finsternis vnseres gemuetes mit deynere gnaden heymsuchung durch vnsern herren Ihesum.

Dominica Quarta.

Wyr bitten O herre erwecke deyne macht vnd k̄m̄ vns zuehulffe mit großer crafft / auff das der ablas deynere barmherzigkeit / herzubring was sonst vnserer sunde vorhyndern der du hyrschest vnd lebest.

Die natalis Domini.

Wyr bitten O almechtiger Gott / vorleyhe das vns die newe durchs fleysh gebürt deynes eyngelobnen sohnes erlose / welche die alte dienstbarkeit gebunden helt vnder dem Joch der sunden / durch denselben vnseren herren Ihesum Christum deynen sohn der mit ꝛc

Dominica sub octauis.

Almechtiger ewiger Got / schicke vnser werck nach dey-
nem wolgefallen / auff das wir yn dem namen deynes geliebt-
ten sohnes / mogen yn rechtschaffenen gutten wercken vber-
flussig reych seyn / durch den selben vnseren ꝛc.

In die Circumcisionis.

Almechtiger Got wir bitten / gib das yn vns die wir mit
dem neuen liechte des vormenschten worttes / ynwendig bes-
gossen seint / auch außbrechen die wercke des liechtes / vnd ey-
nes beschniten hertzen ꝛc.

In Epiphania.

herre Got der du auff den hewtigen tag deynen eyngelbor-
nen sohn / den heyden durch den furgehenden stehrn hast ge-
offenbaret / Vorleye vns gnediglichen / das wir so dich yerzüt
haben durch den glauben erkant / gefüret werden bis zu der
beschawung der gestalt deyner hohe / durch den selbigen ꝛc

Dominica sub octauis Epiphanie.

Wir bitten o herre fuege mit hymelischer güte / die begyrde
des bittenden volckes / auff das sie mogen erkennen was zu
thun sey / vnnd yn dem das sie erkennen / krefftig werden zu
vorbrennen durch vnseren herrn ꝛc

Dominica Secunda.

Almechtiger ewiger Gott der du zu geleych die hymelische
vnd ydische dinge regirest / erhore miltiglichen das gebet dey-
nes volckes / vnnd volleye vns deynen heyligen friden / durch
vnseren herrn Ihesum ꝛc

Dominica Secunda.

O Allmechtiger ewiger got syhe an gnediglichen vnser geistliche krankheit/vñ rechte auß die rechte deyner maiestat vns zu beschyrmten/Durch vnseren ꝛc.

Dominica Tertia.

O Got der du weyst/das wir yn solchen ferligkeyten gesetzt/nach menschlicher gebrechlichkeit/nicht mogen bestehen/gib vns das heyl gemüttes vñnd leybes/auff das wyr die dinge welche wyr vmb vnser sunde willen leyden/mit deyner hulff vberwinden/Durch vnseren ꝛc.

Die Purificationis.

O Allmechtiger ewiger Gott/Wyr bitten ynniglichen deyne Maiestat/das gleych als deyn eyngelborner sohn/an dem herwtigen tage mit dem wesen vnser leybes dyr ist dargestellet worden yn den tempel/also mache auch das wyr mit gereynigtem gemüt dir werden dargestellet/Durch denselben vnseren herin ꝛc.

Dominica Quarta.

Wyr bitten dich O herre Beware deyn gesynde yn stetter güteikeit/das dasselbe so sichs alleine auff die hoffnung der hymmelischen genaden anlehnet/werde allezeyt befestiget mit deyner beschyrmung/Durch ꝛc.

Dominica Quinta.

Beware deyn volck O herre Got/vnd mache es deynem namen andechtig/auff das es der göelichen woltat vnderworfen/die zeyliche dinge recht handele/vnd entpfah die ewige gaben/Durch vnseren herin.

Dominica Septuagesima.

Wyr bitten dich O herre erhöie mildiglich die gebethe deynes volckes / das wir / dye do billich gestraffet werden vns vnsere funde / czum preys deynes heyligen namens gnediglich werden erloset.

Dominica Sexagesima.

O Got der du syhest das wyr auff kein vnser wirkung vortrawen / vorleyhe gnediglich das wyr wider alle widerwertigkeit durch deyne beschyrmung werden befestiget.

Dominica Quinquagesima.

O herre erhöie gnediglich die gebete deynes volckes / vnnnd so wir erloset werden von den banden vnserer sunden / behüte vns auch fur allerley widerwertigkeit / Durch vnsern herren.

Die Linerum.

O Got der du durch die funde vnnnd schuld wirst erzdinet / vnnnd durch busse vorsinet / sich an gnediglich das gebete deynes demüctigen volckes / vnnnd wende abe die geysfel deynes zornes / die wir mit vnsern sunden haben vordienet / Durch vnseren herren ꝛc.

Dominica Quadragesima.

O herre wir bitten dich an deyn gesynde / vnd vorleyhe das vnser gemüte bey dir mit hymelischer begyrdten erscheyne / so es sich mit schwchung des fleysches casteyet ꝛc.

Per Hebdomaden Oratio.

O herre biß deynem volck gnedig / vnd welchs du dir mache
est andechtig dasselbige erquickte auch barmherziglich mit
freünelicher hulff / Durch vnsern herren ꝛc.

Dominica Reminiscere.

O herre Got der du syhest das wir allenthalben kraffeloss
seyñ / beware vns ynwendig vñnd außwendig / auff das wir
widder alle widderwertigkeit werden befestiget / vñnd von
schñden gedanken gereyniget / Durch vnsern herren ꝛc.

Dominica Sculi.

O almechtiger Gott / wir bitten sych an die begyrde der der
mütigen / vñnd strecke aus den arm deyner Maiestat zu vnser
beschyrmung / Durch vnsern herren ꝛc.

Dominica Letare.

O almechtiger Gott wir bitten vorleyhe das wir vnns an
deyner gnaden trost widder erholen / die wir auß vordienst
vnser wirtung werden gestraffet.

In die Annunciationis.

O Gott der du hast gewolt / das deyn sohn solt von dem
leybe der heyligen yungffraw Marien / durch vorkündigung
des Engels das fleisch an sich nemen / vorleyhe vns deyner
ynnigen die wir warhafftig glawben das sie Gottes gebere
ryn sey / das wir auch den nutz vñnd die frucht seyner mensche
werdung mögen vberkömen / Durch denselben vnsern herren
Ihesum Christum ꝛc.

Dominica Judica.

Wir bitten dich O almechtiger Gott dich an gnediglicheⁿ
deyn gesynde das es durch deyne gabe registret werde am leybe
vnnnd durch deyne enthaltung bewaret werde ym gemüthe/
Durch vnseren herin ꝛc.

Dominica Palmarum.

Almechtiger ewiger got/der du vnseren heilant dem mensch
lichen geschlechte zu heyl/vnd auch zu eynem exempel nach
zu volgen/hast lassen den leyb an sich nemen/vnd vnder das
kreütz sich ergeben / vorleyhe genediglichen das wir würdig
mogen werden zuhaben die lehre seyner gedult/vnd zu sein
mitgenossen seyner aufferstehung/Durch denselben ꝛc.

In Cena Domini.

Almechtiger ewiger Got/ vorleyhe das wir die geheymniß
des leydens vnser herin Ihesu Christi/ also handelen mo-
gen das wir dadurch vorgebung vnser sunden entpfahen
Durch vnseren herin ꝛc.

Magna sexta feria.

O herre Gott der du deynen sohn fur vnns am galgen des
heyligen kreützs hast wollen leyden vnnnd sterben lassen/ auff
das du von vns trybest des feyndes gewalt/ vorleyhe vnns
deynen knechten/das wir die genade seyner aufferstehung er-
langen/Durch denselben ꝛc.

Alia Oratio.

Wir bitten o herr dich an diß deyn gesynde/fur welchs vnser
herr Iesus Christus nicht hat vorsaget sich zu begeben yn dy
hende

hende der schulbigen / vnd nicht geschewet sich zu vnderwerf
fen der pein des creützes. Der mit dir lebet vnd hirschet Got
yn eynigkeit des heyligen geystes von ewigkeit zu ewigkeit

In die Resurrectionis Dominice.

O Got der du an dem herwtigen tage durch deyn eyngewor
nen sohn / do er hat vberwunden den todt / vns hast auffge
schlossen den zungang der ewigen seligkeit / wollest vnser Be
ger / welche du durch furkômende genade anregeßt / auch mit
deyner hulffe volführen / Durch denselben vnseren herin ꝛc.

Per Hebdomadam.

O Got der du mit der herlichen aufferstehung deines sones
vns yerlichen erfrewest / vorleyhe gnediglichñ das wir durch
den glauben seyner vnnnd vnser aufferstehung mogen kômen
zu den ewigen freuden / vnd zum vnsterblichen leben / Der
mit dir lebet vnd ꝛc.

Dominica prima post resurrectione.

O almechtiger ewiger Got der du den menschen hast gege
ben die Osterliche geheymnys zu eynem bunde der vors
nug / vorleyhe daneben vnserem gemuet so wir solchs mit
dem munde bekennen / das wir auch demselben mit der that
nach folgen.

Dominica Secunda.

O Gott der du yn deynes sohnes nyderung hast die nyder
geschlagene welt auffgericht / vorleyhe deynen gläubigen die
ewige fründe / vnd die du hast erloset von dem fahl des ewi
gen todes / mache auch das sie der ewigen freuden genyßen
Durch denselben vnseren herin ꝛc.

Dominica Tertia.

O Got der du den yrenden/auff das sie mögen yn den weg der gerechtigkeit widderkeren/erczeygest das liecht der warheit / gib allen den die sur Chüstlich gehalten werden / das sie alle ding meyden / welche diesem namen entgegen seyn / vnd widder vmb alle dem nachfolgen welchs diesem bekentnyß zu eygent/Durch vnseren ꝛc.

Dominica Quarta.

O Gott der du deyner gelewßigen gemüette machest eynes willens / gib deynem volck/das zu lieben was du gebeüttest / vnd das zubegeten was du zusaggest/auff das vnder den vnstetten yrdischen dingen/dahyn vnser hertzen gehafftet werden da die warhafftige freude ist/Durch vnseren ꝛc.

Dominica Quinta.

O got von welchem alles gut herkumpt/gib deynen andechtigen / auff das wir durch deyn eyngeden betrachten / was recht ist / vnnnd durch deyn regyrung auch eben dasselbe thun vnd vben.

In die Ascensionis dominice.

Wir bitten o almechtiger got / vorleyhe das alle die wir gleichben/das deyn eyngedborner sohn vnser erlofer als am herwtigen tage vns zugutte zu hymel gefaren ist / auch wir selbst mit dem hertzen mögen wonen ym hymelischen wesen,

Dominica post Ascensionis.

O almechtiger ewiger Gott mache das wir allezeyt zu dir tragen eyn gutten willen/vnnnd deyner Maiestat mit reynem hertzen dienen.

In die Penthecostes.

O herre Got der du die hertzen der glewobigen als am heütigen tage durch erleuchtung des heylighen geystes hast geletet gib vns ymselben geyste was recht ist zuvorstehen / vnd das wir vns allezeyt seyner tröstung mögen frewen.

Per Hebdomadam.

Wir bitten O herre / das vns beystehe die krafft des heyligen geystes / dy vnser hertz milteiglichen rüste / vnd vns vor allem widerwertigem beschutze.

Dominica Trinitatis.

Almechtiger ewiger Got der du vns armen deynen dienern durch bekentnyß des warhafftigen glawbens hast gegeben anzunemen die herligkeit der ewigen dreyfaldikeit / vnd hast vnns vorlyhen yn der macht der Maestat anzuberehen die eynigkeit / Wir bitten das wir auch durch die bestendigkeit desselben glawbens wider alle anfechtüng beschyrmert werden

Dominica prima post trinitatis.

O Gott ein stercke aller die auff dich hoffen / bis gnediglich gegenwertig vnserem anruffen / vnd dieweil menschliche schwachheit nichts on dich vormagt / So vorleyhe vns hulff deyner genaden / auff das wir yn deyner gebot erfüllung mit willen vnd wercken dir mogen gefallen / durch vnsern ꝛc

Dominica Secunda.

O herre schaffe das wir haben stechte furcht vnd liebe deynes heyligen namens / den du vollesest nymer mit deyner reaygung welche du rütest mit der festigkeit deyner liebe ꝛc.

Dominica Tertia.

Wir bitten O herre erhore genediglichen vnser e bethe vnnnd
welchen du gibest den syñ zubittem/denselben voileyhe auch
die hulff deyner beschutzung,

Dominica Quarta.

O Gott ein beschyrmer deren die auff dich hoffen / on wela
chen nichtis stanchaffrig nichtis heylig ist / mache manigz
feltig deyne barmhertzigkeit vber vns / auff das so du regirer
vnd furer bist / wir also gehen durch die ezyelichn gütter das
wir nicht voilyren die ewigen.

Dominica Quinta.

Wir bitten O herre gib das vnns der weilauff durch deyne
ordnung frydelich werde geschicket vnd das deine vorsam
lungen mit styller andacht sich frewe.

Dominica Sexta.

O Got der du denen die dich liebhaben bereye hast vnseha
bar gütter / gewiß yn vnser e hertzen den willen deyner liebe /
auff das wir dich yn allen vnnnd vber alle ding lieb haben /
vnd deyne vorheyschung erlangen / welche alle begyrde vber
treffen,

Dominica Septima.

O Gott der kreffte welchs ganz ist was das allerbeste ist /
pflanze yn vnser e hertzen die liebe deynes namens / vnd gib
vnns die merung des Gottis dienst / auff das du das gutte
nehrest vnd das ernerete yn gotseligem fleiß bewarest,

Dominica Octaua.

O Got welchs fürsichtigkeit yn yhier ordenung nicht wird
fetrogen / wir bitten ynniglich das du alles schedliche hyn
weg thuest/ vnd alles was nützlich ist vorleyhest.

Dominica nona.

Wir bitten O herie gib vns gnediglich den geyst/ zubertrach
ten vnd zuthun allzeyt was recht ist/ auff das wir/ die one
dich nicht mogen seyn/ nach dir mogen leben.

Dominica Decima.

O herie las die oren deyner Barmhertzigkeit offen stehen dem
gebet deyner ynnigen/ vnnnd auff das du den bittenden gebest
was sie begeren/ so mach das sie forderen was dir beheglich
ist.

Dominica Vndecima.

O Got der du dein almechtigkeit allermeyst erzeygest durch
vorschonen vnnnd erbarmen /mach vber vnns manigfaltig
deyn Barmhertzigkeit/ das wir nach deyner zusage lauffen /
vnd du vns machest mitgenossen der hymelischen gutter

Dominica Duodecima.

Almechtiger ewiger Gote der du aus vberflussigkeit deyner
gutte vbertryffest den vordienst vnd begyrde der bittenden /
mache deine Barmhertzigkeit manigfaltig vber vns/ auff das
du vorgebest was das gewyssen fürchtet/ vnd zugebest wes
sich des gebeth nicht vnderstehet.

Domina decimatertia.

O almechtiger ewiger Gott aus welchs geschenke es her
kombt das dir von deynen gleübigen wirdiglich vnd loblich
gedienet wirt / wir bitten gib vns das wir on verlezung lau
ffen zudeynen vorheyschungen

Dominica decimaquarta.

O almechtiger ewiger got gib vns die vormerung des glau
bens der hoffnung vnd der liebe / vnd auff das wir erlangen
mogen / was du vorheyschest / las vnns liebhaben was du
gebeüttest.

Dominica decimaquinta.

O herre behüte deyne gemeyne mit ewiger gunst / vnd syntes
mal die menschliche sterblichkeit on dich hynfelt so werde sie
alleczeit durch deyne hülffe abgezogen von allem schedeli
chem vnd werde gerichttet zu dem heylsamen.

Dominica decimasexta.

O herre wir bitten das die steehe erbarmung reynige vnd
beschyrmeyn deyne gemeyne / vnd dicweyl sie nicht kan one dich
feste bestehen / so werde sie allezeit aus deyner begabung ge
regiret.

Dominica decimasextima.

Wir bitten **O** herre deyn gnade woll vns allezeit zuffurkō
men vnd nachfolgen / vnd vns stetiglich beslyssen machen
zu gutten wercken

Dominica decima octaua.

O herre wir bitten gib deynem volck das es vourneyde dy teuffelische befleckung / vnd dir Got alleyne nachvolge mit lauterem gemütte / Durch vnsern herren Ihesum Christum deynen sohn der mit dir herschet vnd lebet yn eynigkeit des heyligen geystes von ewigkeit zu ewigkeit.

Dominica decimanona.

O herre wir bitten das deyner Barmhertigkeit wircklig / wole vnser hertz richtig machen / denn one dich können wir dir nicht gefallen / Durch vnseren herren Ihesum.

Dominica Vigesima.

Almechtiger Barmhertiger got schließ aus gnediglich alles das vns zu widder ist / auff das wir zugleich an leybe vnd gemüthe geschickt / das deine mit freyem gemüte volbringn / Durch vnseren herren zc.

Dominica Vigesima prima.

Wir bitten o herre gib miltiglichen deynen gleichigen ablas vnd fryde / auff das sie auch gereyniget werden von aller vorlezung / vñ dir mit sycherem gemüte dienen / Durch vnsern,

Dominica Vigesima secunda.

O herre wir bitten behütte deyn hauffgesynde mit stetter miltekeit / auff das es / so du beschirmest / frey sey von aller widerwertigkeit / vnd yn gutten wercken andechtig sey deynem namen / Durch vnseren herren Ihesum Christum.

Dominica Vigesima tertia.

O got vnser zuflucht vnd krafft bis gegenwertig dem got seligen gebethe deyner gemeyne/ der du selber bist ein vrsprung der gotseligkeit/vnnd gib das wir kreffftiglich das erlangen/welchs wir getreulichen bitten durch vnsern herrn

Dominica Vigesima quarta.

Wir bitten o herre wende die gebrechen deyner volcker / auff das wir von vnserer sunde verknupffung/die wir vnserer gebrechlichkeit nach begangen haben/durch deyne gütte gefreyet werden durch vnseren herrn

Dominica Vigesima quinta.

O herre wir bitten erwecke den willen deyner gleubigen/auff das so sie die fruchte des göelichen werckes der liebe vnd des creützes schleüniger volbringen auch destegroßer ertzney deyner gütte entpfahen/durch vnseren herrn.

8.

Volgen czwo gemeyne Colle

cten odder Complenden czum beschluß der Messen vber das ganze Jar abzuwechffelen.

OAllmechtiger Gott / wir bitten demütiglichenn/ mache vns rechtschaffene gelyder vnnsers herrn vnnd heubts Ihesu Christi/ das wir ynn seynen geystlichen leyß / das ist ynn die vnzertheylete gemeynschafft Christi/ vnnd aller seyner heyligen/warhafftig gezogen werden / gleych wie wir dis Sacrament des leyßs vnd bluts / deselbigen vnserer heylands haben czu vnns genommen/vnd eben wie er seyn leben vnd leyden fur vns durrffige sunder hat gegeben / vnd vnser sunde auff sich geladen /

also vorleyhe vns gnediglich / das wir auch durch solche vn
zerteylete eynleybung vnd vereynigung ynn alle gütter / gnad
vnd gerechtigkeit Christi / vnd seyner gleüßigen / warhafftig
mit gleüßigem hertzen gesetzt vnd genömen werden / Durch
denselbigen vnnsern herrn Jesum Christ deynen Sohn / der
mit dir herschet vnd lebt ꝛc.

Alia.

O Warhafftiger Got barmhertziger vater / wir bitten
dich hertzlich / lass vnns durffteigen / des heyligen ley
dens vnser herrn / nutz vnnd frucht / das ist gnade
vnnd vergebung vnser sünde / mit gleüßigem hertzen recht
schaffen ergreyffen / gleych wie wir durch deynes heyligü So
nes wort / seynen heyligen leyb vnd seyn theüres blut / welche
er fur vnns gegeben vnd vergossen hat / vnder dem brot vnd
weyn warlich haben entpfangen / Durch denselben vnnsern
herrn Jesum Christum deynen Sohn ꝛc.

Vorzeychnung der Responsorien.

9

In sandore vultus tui ꝛc ym Genesi.
Cantemus domino ꝛc ym Exodo.
Isti sunt dies ꝛc ym Leuitico.
Qui persequebantur populum ꝛc Numeri.
Audi ysrael precepta ꝛc Deuteronomij
Super muros tuos Iherusa. ꝛc. Josue / Judicü / vñ Ruth
Preparate corda vestra ꝛc Regü vnd paralipo.
Muro tuo inerpugnabili ꝛc Esdre.
Adonai domine qui dedisti ꝛc. Judith / hester.
Si bona suscepimus ꝛc Job.
Verbum iniquum et dolosum ꝛc. Proverbior.
Deum time ꝛc. Ecclesiast.
Super salutem ꝛc. Sapientie vnd Ecclesiast.
Omni tempore ꝛc. Tobie.
Tua est potentia ꝛc. Machabeor.

Folgen die Benediction oder
 beschluß geseng am end der Metten/ Vesper vnd Mess.
Diebus Festinis:

Es woll vns Got seynen seggen geben vnser Got seggen vns.
 Responso:

Vnd es sollen yhn forchten alle ende der welt. Amen

Quottidiana Benedictio:

Der herr erleuchte seyn angesicht vber vns, Vnd sey vns gne
 dig.

11 **Form der absolution vber die wey**
 ber so die kyndleyn on vorsatz erdruckt haben/auff
 der Cantzel offentlich zu handeln.

Lieben freund yn Christo euch allen ist vngezweyffelt
 wyssentlich/wie dyse Schwester in Christo.n.auff vnachtsam
 keit vnd vnvorsichtigkeit/wie wol ane willen/sich an yhrem
 eygenem blutte vnd fleyschs 7c versundiget/vñ da mit Gott
 den almechtign schwerlich erzurnet hat/ vñ daneben solchs
 vbel vnther vns ganz offenbar vnd ruchtig/da durch denn
 vnser Christliche vorsamlung nicht eyn Gerynge ergernys
 entpfunden hat/Dieweyl aber solche yhre missetat vnd erger
 nis/sie gantzlich rewet.vnd von Got dem vater/durch Ihe
 sum Christ/ Gnad vnd barmherzigkeit begeret/ die yh: vns
 gezweyffelt/auch von Gott ym hymel vnvorsagt ist.

Da bey

Da bey auch / solch leyde / mit öffentlicher Buß erzeyget / vnd
dadurch / sich mit vns allen / die sie also versehret vnnnd geer-
gert hat / zu versünen demüctiglich begeret / Sollen vnd wol-
len wir auch nach der lehre Christi vn̄ seyner Aposteln / hertz-
lich gern yh̄: solchs vorzeyhen vnd vmb Gottis willen vor-
geben / Auch Gott trewlich für sie bitten / er woll yhr gnedig
seyn vnd hynfureh sie vnd vns alle für solcher vnd anderen
ferlikeyten gnediglich behütten vnnnd bewaren / derhalben
last vns bethen ꝛc. Dicatur pater noster ab omnibus occulte /
et legatur deinde acōcionatore publicitus psal. Deus misereas-
tur nostri. vel psal. Miserere ꝛc. lingua vulgari ꝛc.

Post hac alloquatur penitentem

N. Schwester in Christo Diuweyl du das leyd deyns her-
zen vber die begangne missetat / also yn der Buß / öffentlich
erzeygest / darauß den auch wir öffentlich spüren deyn de-
muth / vnd das es dich gantzlich rewet / vnd Got der barm-
hertzige vater vns zugesagt hat / vorgebung der sünde durch
Ihesum Christ vn̄sern heyland ym heyligen Euangelio / wo
czween vnther euch eyns werden auff erden / war vmb es ist /
das sie bitten wollen / das sol yhn widderfaren von meynem
vater / Dañ wo czween oder drey vorsamlet sein yn meynem
namen / do bin ich mitten vntther yhn / Item was yhr auff-
loset vfferden sol auffgeloset seyn ym hymel / Also sag ich
czu dir an Christus stadt sey getrost meyn tochter / deyn sund
sind dir vergeben / auch nehmen wir dich wider an / zu eynem
gelyd / des geystlichen leybs Christi / wilcher ist die gemeyn
der gleübigen / von welchem leyb du dich selbst hast abge-
sthnitten durch deyn laster / Das du dem selben seyst widder
eyngeleybt yn dem namen vn̄sers herren Ihesu Christi ꝛc.

Item So offte es sich begibt das der tag Annunciacionis
Marie auff den nechsten Sontag vor Ostern odder dieselbi-
gen volgenden wochen oder auch yn den Ostertagen gefelt /
sol es den nechsten Sontag nach Ostern gehalten werden
nach alter gewonheit / dar mit man dieselben czeit das heylig
leyden vnd auffstehung Christi vnuorhyndert bepriedigen
müg.

Faint, illegible text at the top of the page, possibly bleed-through from the reverse side.

Main body of faint, illegible text, appearing to be bleed-through from the reverse side of the page.

Faint, illegible text at the bottom of the page, likely bleed-through from the reverse side.